

Pagkadautan ug ang gahom sa Manluluwas

MANWAL SA SEMINARY ALANG SA BAG-ONG TUGON

Paghunahuna og pipila ka nga pananglitan sa pagkadautan sa kalibotan ug sa unsang paagi kini nakaapekto kanato.

- Kon ikaw maghunahuna og usa ka butang nga magrepresentar sa pagkadautan sa kalibotan, unsa kaha kini? Ngano man?
- Kon ikaw maghunahuna og usa ka matinahorong simbolo o titulo aron magrepresentar sa Manluluwas ug sa unsang paagi Siya makatabang kanato sa pagbuntog niini nga pagkadautan, unsa kaha kini? Ngano man?

Bahina ang usa ka panid sa imong journal ngadto sa tunga. Basaha ang Pinadayag 17:3–7 ug 14, nga naghanderaw sa mga simbolo nga gigamit ni Juan niini nga mga bersikulo. Sa usa ka bahin sa nabahin nga panid sa imong journal isulat ang mahinungdanong mga pulong o hugpong sa mga pulong nga gigamit sa paghulagway sa kadautan. Sa pikas bahin, isulat ang mga simbolo nga nagrepresentar ni Jesukristo ug sa mga matarong. Ang mosunod nga makatabang nga mga pulong mahimong mapuslanon:

Pakighilawas (Pinadayag 17:4): imoral nga sekswal nga mga binuhatan. Kini mahimo usab nga “usa ka simbolo sa pagbiya sa hingpit nga kamatuoran” (Giya ngadto sa mga Kasulatan, “Gidili nga Panghilawas,” scriptures.ChurchofJesusChrist.org)

Babilonia (Pinadayag 17:5): ang ngalan sa usa ka siyudad nga nailhan tungod sa pagkadaotan niini, gigamit ingon nga simbolo sa pagkadaotan ug pagka-kalibotanhon

Dautan nga Babaye (Pinadayag 17:5): usa ka babaye nga nakahimo og imoral nga sekswal nga mga binuhatan alang sa salapi o patigayon

Pagkahibulong (Pinadayag 17:6): natingala, nahingangha

- Unsa ang imong nakat-onan gikan sa mga simbolo nga imong nabasa?
- Unsa ang natabang sa mga titulo ni Jesukristo sa bersikulo 14 nga nakatabang kanimo aron makasabot mahitungod Kaniya?
- Unsa ang imong nahibalohan bahin sa paagi nga ang Kordero, o si Jesukristo, nakabuntog sa tanang pagkadaotan? (Tan-awa sa Giya ngadto sa mga Kasulatan, “ang Kordero sa Dios,” scriptures.ChurchofJesusChrist.org.) Unsay buot ipasabot niini kaninyo?